

季末月到不遲唐突駕西隣情仰蒙
慨允俯就曷勝感禱專肅奉懇敬頌

教安並候

賜復

教弟都福昌謹啓九月五日

附復書（允諾但附有條件）

繼先吾兄左右頃奉

大函誦悉將委朽拙以教讀之任惶恐惶恐聞郎君天資聰穎且夙承家學孤陋如僕何敢覲顏稱師但

旣承

垂委何敢固辭惟尙有須奉商者一、年來索居頗厭喧聒生徒之數只限三人二、令郎學校生活或較疏放，
一入家塾即應謹守範圍三、修金之數似嫌過豐即請

酌減可也專此奉復祇頌

潭安。

弟詹端行敬啟 九月十七日

六六

◎聘主報館筆政

念慈先生著席去秋一晤，大快積懷，嗣連奉

大作，以深入顯出之文字，抒口誅筆伐之雄談，博得閱者同情不少，亦敝報之光也。茲啓者，此間總編輯夏君因事赴美，約有一年勾留，一時苦無相當人才，足勝斯任，因慕

先生品性純潔，文學優長，倘蒙

屈就，實所歡迎。敝報宗旨正大，主義和平，不屈於勢力，以媚顯達，不阿附所好，以快私仇，諒亦

高明所贊許也，虛席以待，佂盼

附復書（婉辭）

慎修經理執事：昨展

琅函，誦悉總編輯夏君有美利堅之行，屬弟暫承其乏，

厚意盛情，能不紱佩。弟本不文，近益荒廢，日前寄

貴報之件，乃偶然乘興之作，猥承

獎訶，益覺汗慚。弟生性疏狂，年來目見耳聞，諸多乖忤，發爲議論，多牢騷高亢之音，於
貴報前途轉多不利，此所以不敢承

命者也，區區愚忱，當邀

亮贊。專復，順頌

著安。

弟許念慈拜上九月九日

◎延請會計

丹忱先生大鑒：滄陽一別，音問鮮通。前銘三兄來，藉悉。

台端近況，頓慰懸念。弟所營國產百貨公司，頗爲發達，自厲行新生活後，銷數尤形激增。惟此間司賬之人，病假已久，代庖者太無經驗，又復漫不經心，一片糊塗，無從稽核。每逢查閱，頭目皆昏，若不急於更張貽誤匪淺，因念執事才大心細，對於簿記一項，確有專長，條分縷析，絲絲入扣，若能不我菲薄，屈就斯席，則於營業前途所裨實多，感何如之。專此奉懇，順頌時綏，並盼示復。

弟蘇海洲拜啓十二月五日

治治先生信函久疏回候抱歉殊深惟常聞人言

台端開設國產百貨公司，提倡儉樸，挽回利權，甚佩甚慰。承
以會計職務見委，實深愧恧。弟自漢歸來，高堂垂老，正宜侍養，田園荒落，亦思整理，殊不願再行遠離，然
與

先生相交有年，既蒙殷殷垂委，敢不勉遵
台命，第恐智能有限，計學不精，無以副

先生之期望爲可愧耳。時迫歲暮，百務紛集，一俟度過年關，即當整裝前來，晤
教匪遙，諸容面陳，復頌

籌安。

弟許丹忱謹啓十二月廿四日

◎聘充書局編審

國榮先生著席前承

惠寄大著，屬爲刊行，出版後，到處暢銷，不脛而走，無任佩仰。敝局對於宋元古籍，極力搜羅，廣爲流通，此等工作進展甚速，但非賴博通載籍之名宿相助爲理，難免千密一疏之病，夙仰

先生探古功深，頗思以編審一席，奉屈高賢，斯誠國學之光，亦敝局之幸也，殘暑已退，秋風漸涼，如蒙早日命駕，尤爲企幸。專瀆敬頌

秋安。

◎延請國術專家

弟陸元鼎謹啓 九月十五日

宗嶽先生惠鑒，敬啓者：吾國人民往往徒稱道人之所長，而忽略己之所長，以致各種學術日就退化，此吾國不能富強之大原因也，試就國術而論，殊爲列強所不及，一日見，遂改日斬喪落，或竟至失傳，比年以來，邦人稍稍覺悟，於是各縣咸有

國術館之籌設，縣亦接踵興辦，同人不審乃以館長一席委諸鄙人。因謹先生爲國術界泰斗，必須出而匡持，乃能喚起國魂，一振委靡之風。卽就太極拳而論，時時練習之，亦足以息浮念，定心志。卻病延年，健身強種，能多傳授一人，卽多一健全國民，何幸如之，至希。

先生宏兼善之懷，以利羣爲念，飄然出山，藉慰衆望，曷勝盼禱。專肅敬頤

大安。

◎延畫相專家

弟裴式穀謹啓二月十日

介眉先生繪席憶自東京一別，忽忽數年，音問久稀，徒縈夢想。上月同學臧君談及台端研求畫相，形態逼眞，遠近求畫者踵至，殆眞所謂士別三日便當刮目相看耶？茲有懇者：先君子暨先太夫人棄養多年，雖有攝影足資仰慕，尙擬製成瓷版，

俾垂久遠，但無

大雅傳神之筆，恐難不失毫釐，擬懇
尊駕惠臨小園，特闢精室，以備下榻，則竹石花鳥，堪助清娛，斷不敢妄求速成，

能事不受僨，一任

先生徐徐圖之可也，跂予望之。虔頌

雅安。

弟黎承恩謹啓九月七日

二 介紹類

◎介紹購湖濱房屋爲別墅

靜波先生惠鑒：前聞匪警猖獗，擾及

尊府，曷勝憤慨。昨

澄兄來言：

尊眷自移城寓，一月三遷，城市囂雜，與鄉居清曠懸殊，則擇地爲良，似不可不籌長

水夏涼冬暖，風景宜人，且索價低廉，不過二千左右，

公如有暇，請卽過舍，弟當陪往一觀，偶憶前人有詩云：湖邊欲買三間屋，問盡人家不要詩，足見湖濱風物之佳，夙爲詩人所羨慕，

公如得此廬，則日夕尋詩於波光黛色中，殆足以遺世而忘老矣。專此佈達，敬頌籌安，並候

復示。

弟林啓鴻拜上五月二日

附復書（婉謝）

達夫吾兄大鑒：匪僥倖人，蝸居不免，乃蒙

垂詢，感慰何如。敝眷來城實非得已，不過一時權宜之計，何暇作久安長治之圖，一月三遷，告者之過，再遷

誠有之，蓋惑於吉凶禍福之說，時弟適返山居，爲內子所主持，真可哂也。承

代物色湖濱房屋，足見

關懷，甚感甚佩。惟麋鹿之性，最適山林，殊不欲久居城市，且我家兒女多，市風奢侈，不免沾染，鄙見仍以不離鄉土爲宜。湖濱風景之佳，素所欣羨，但弟自經此劫，囊橐皆空，真未免有問盡人家不要詩之慨矣，一笑。

專復，並頌

文安。

◎介紹晉謁當道

弟翁友棠謹啟 五月十四日

壽椿先生賜鑒：

國事勤勞，孳孳靡暇，山人野處，實不敢以疏放之詞擾瀆清聽也。茲有陳者，
寶章自畢業浙江大學後，潛研默討，甘心窮乏，不謀一官半職，此其立志不已，超越
流俗耶？日昨來告，謂將晉謁

吉，
時之短，卑作先容，因思李太白○以一見

韓荊州爲榮蘇子由（以）一見歐陽公爲幸士有所蘊蓄輒思陳於明德之前亦人之恆情也既爲先賢所獎許豈反見斥於大君子之門哉聞傅生研究教育有年著有改良教育芻議願假以顏色俾得一傾懷抱至幸至幸專此敬啟

大安

弟鄧祖述謹肅三月廿五日

◎李太白「生不願封萬戶侯，但願一識韓荊州，」見李白與韓荊州書。 ◎蘇子由「於人見翰林歐陽公，」見蘇子由上樞密韓太尉書。

◎介紹外賓晤談

詠雪詩伯吟席前月趨訪

高齋適作虎邱之遊良深悵悒然游屐所經頽詠殆遍錦囊佳稿知又探手皆琳瑯也茲啓者日人久原君旅華多年勝地名山探訪殆遍此君對我國文學研究甚精尤擅長詩歌得陶淵明風度自言曾於髯公扇頭得讀

大作，以爲李義山[○]之哀感頑豔，吳梅村[○]之沈鬱蒼涼兼而有之，味其評詩之言，蓋非剽竊者所能僞託，亟思一挹

清暉，俾慰積慕，因憶十數年前，西方詩人泰戈爾[○]來華，曾與海內詩伯散原老人

[○]合拍一照，傳爲佳話，倘承

允與久原君會晤，並互爲唱酬，則不能使彼二老專美於前矣。專頌

吟安。

後學姜孟鳴上言 八月廿四日

○李義山唐河內人，名商隱，又號玉溪生，詩與溫飛卿齊名。

○吳梅村名偉業，明太倉人，崇禎進士，著書頗多，尤長於詩。

○泰戈爾印度人，

○工詩

○散原老人

陳三立，字伯嚴，晚號散原老人，江西義寧人，著有散原精舍詩集。

◎介紹女士訪問文學家

德欽吾兄有道，久不得見爲念，聞方

高憲木泉，以辟塵俗，眞今之

絕無弱女子氣，記其詠謝道韞有一句云：低徊詠絮關何事，空受鬚眉幾許憐，亦可窺其氣概矣，據稱曾讀

大作，樸茂詳贍，最所欽敬，殊思晉謁，以圖請益，因思古人提挈後學，雖在市廻村姑，猶加獎掖，故敢冒昧進言，幸賜延見，至爲翹跂。專此，祇頌

文安。

弟翟澤民拜啓十月三十日

○清流謂名士也，唐末朱全忠殺宰相裴樞等三十餘人，李振謂全忠曰：此輩嘗自言清流，當投之河使爲濁流，見五代史。

◎介紹賑務會職員

端乾吾兄主席大鑒年來人海奔馳，殊鮮善狀，以視台端之脫離韁鎖，壹意揀人，旣羨且愧。頃友人梁紹堂兄來言：此間賑務會事

將由

執事主持，佛能度劫，實災黎無疆之休，甚幸甚幸。梁君沈酣內典^②，有年，藹然仁者，服務該會，亦既數載，惟時常派遣在外，頗感風塵跋涉之苦，擬請於會內爲留一席地，俾資調節。梁君經驗甚富，簡牘亦精，如蒙畀以文字之役，亦能勝任愉快也，敢進一言，惟

賜裁譽爲幸。專此祇頌

善安。

弟柴鳳喈謹啓 三月廿八日

○◎ 輶鎖喻人困於名利，
○◎ 內典佛教經典也。

粒民吾兄經理左右：前月赴青，道出滬上，詣

◎ 介紹售稿

幸專有廣州之名，不時爲惟。且往，劉君引導參觀並舉營業狀況見告，蒸蒸日上，前途無量，此皆吾

兄宏謀碩畫之功也。友人俞國璋先生擅長古文辭，著作甚富，昔年遊學美洲，歸國後益肆力譯述，頃來函縷述坊間對於稿件之待遇，或則不合需要，妄示菲薄，或則故抑價格，圖佔便宜，大有不勝憤慨之意，弟已勸其向

貴局接洽，謂必能得到相當之報酬，蓋文人學士絞盡腦汁，略獲代價，若故爲壓抑摧殘之，毋乃不情之甚耶？想

貴局必能破除積習，優遇此輩，幸何如之。專此，祇頌
籌安。

弟方宗濂謹上五月六日

三 推薦類

◎薦國文教員

冠和吾兄校長大鑒前聞四中學潮澎湃，日益擴張，幾至不可收拾，心竊憂之，及晤鄉人陳君，始知當道已敦請吾

兄出而主持，絕大風波，頓告寧息，

先聲奪人，敬佩敬佩。查學校國文一科，爲青年求學之根本，不可不慎選品端學粹之人，以資表率，敵友蕭君雨泉，畢業於無錫國學專修館，極爲館長 唐先生所嘉許，當其弱冠時，與弟在省立中校同學，每逢課文批出，爭相傳誦，論其文學實在弟可師可友之列，品尤清高，不同流俗，吾

兄若能卑詞厚禮，聘主國文一席，則有造於莘莘學子，實非淺渺也，惟求吾

兄速賜裁奪爲幸。專此奉達，敬請

教安。

弟浦淵若謹啓 八月二十日

清光玉月惠鑒乞才通函正深懷想忽奉

朵雲，[○]歡同握手。學校之事弟本不願爲，乃當局不諒，竟以相委，堅辭再四，均不獲允，只得暫承其乏，過蒙稱譽，彌增慚悚。此間國文教員均有深長歷史，重以無理想中之人才，故概仍舊貫，[○]雨泉先生品學兼優，素所尊崇，惟聞其久客濟南擔任教職，故亦無法羅致，今讀來書，乃知已返家園，曷勝悵歎，現此間已將開學，改聘一層暫談不到，一俟學期告終，自當設法禮聘也。專此奉復，敬候

興居。

弟陸文藻謹啓九月二日

○
◎
朵雲
喻信札

○
◎
仍舊貫
謂不變更也，「仍舊貫如之何，何必改作，」見論語。

庸庵吾兄廳長勛鑑：英兒自

尊府歸知

君門如市，應接不暇，而案頭書簡叢雜，難於清理，深用焦慮，因憶弟在教廳時亦同有此感，後延一女書記專司其事，清查整理，秩序井然，指索簡牘，應手而得，此種痛苦方得解除，蓋私人之函件雖不比公文之重要，亦以仍用專員保管為宜，茲有郭錦琳女士，高中畢業，勤慎耐勞，雖係學校出身，而家庭教育極崇禮教，平時言笑不苟，實具紀律化之精神，在此間市立小學任職有年，月薪六十元左右，吾

兄如願羅致此種人才，弟可令其前來服務，月薪能酌加一二十元，尤必銜感無既，

女士文筆清利，通常書簡頗能揮寫自如，亦可小節吾

兄文字之勞也，

尊意云何？並候

示復。專頌

政安。

弟茅月樓拜啓 九月廿五日

惠書，並承

介 郭女士代司簡牘，具徵

拳拳之誼，在遠不遺，至感至感。弟亦早有此議，內子則謂形迹之間，稍嫌不便，遂爾中止。既承物色相當人才，內子亦爲首肯，而對於篤守禮教言笑不苟一節，尤表贊許之意。此間菊花盛開，家釀已熟，下星期日又適爲舊曆重陽，曷不

來省一遊，藉敍契闊，或相偕驅車青雲譜[○]，展烈士墓，登最高處一覽江城秋色乎？內子意欲偕遊，並希轉致。郭女士隨同前來，俾得敍談一切何如？至於月薪一層，卽如來函所示可也。此復。順頌

著安。

弟 沛霖敬啟十月二日

○青雲譜南昌地名，在撫州門外。

◎薦庖人

柏森吾兄台營兩次寄書，均不獲報，意殆

政務繁勞，無暇弄閒筆墨耶？昨筠卿科長過此，始知

台端近感胃部不和，事煩食少，面容亦較前清癯，良以爲念。邇來中西食品，烹飪異法，濃香厚味，胃最易傷，我輩中年，更當注意，調養之方，惟在少嘗異味而已。茲有庖人高桂保雅善烹調，尤擅素齋，曾在廬山各大叢林擔任庖務，久居山林，尙少腦滿腸肥之氣，倘蒙

招入郇廚，必能以清芬之飲饌，替肥飫之珍餚，療養

足下之微疴也，如何？尙希

示復爲幸。專此敬請

勸安。

弟唐鏡澄上言 十月十八日

手書，遲遲未復，方深歉仄，復展

琅函，皇皇以爲問罪書也，誦悉

厚誼殷殷，深以賤恙爲念，

故人情重，浹髓淪肌，並承

薦庖丁，盛稱其治肴調味之能，得毋以弟爲肉食者鄙？之流歟？弟之病胃，實因多吃生冷而起，少進油膩，

本爲弟素所主張，此人旣善治蔬肴，正合需要，請便中令其前來一試調羹手可也。專此復謝，順頌

公安。

弟沈瑜英敬啓十月廿七日

◎肉食者鄙

「肉食者鄙，未能遠謀，」見左傳。

◎薦書局編輯

品三經理吾兄大鑒：自離海上，退隱深山，每聞人言：

貴局營業發達，出版激增，甚為欣幸。

台端主持局務，與時代為推移，廣延海內外名家擔任纂述，宜其日進不已也。姚

君兆莘畢業英倫劍橋大學，絕意仕進，致力著述，國學既具專長，科學亦所嫻習，精

通英文，猶其餘事，想

貴局正須此等人才相助為理，用敢冒昧馳陳，至希

裁察，並候

惠覆，順頌

籌安。

弟侯啓泰拜上二月三日

◎薦分公司經理

有容吾兄台鑒年來人海奔忙，久疏箋候，抱歉奚如，亦實無好消息報告

台端往來各埠，倍極辛勞，雖

龍馬精神。○足資應付，亦宜稍圖節制，以便休養。蚌埠分公司，亟應委一經理主持之，俾負專責。張君卓初，爲弟多年老友，人極精明，尤稱穩健，對於煤業經驗頗深，供職鄱樂公司有七年之久，倘蒙

委以經理一席，必能措置裕如。張君對於銀錢方面，尤能一絲不苟，弟可負全責保證也。如何務希

審酌，並賜

還雲爲禱。專此奉瀆，敬請

籌安。

○龍馬精神 喻人之精神充實也。

弟鮑洪疇謹啓三月十日

玉書吾兄局長大鑒：

台端蒞任，不過三月，而市容整潔，一改從前鬆懈蕪雜之觀，甚佩甚慰。頃

翰屏表

弟來云：

貴局所用會計乃一名士派，有時飲酒彈琴，終日不開賬本，有時發票拋置案上，風來作蝴蝶飛，遺漏錯訛，自所不免，聞

兄時常憤怒，弟亦代爲憂慮，蓋官廳最重手續，即其人十二分純潔，而賬簿不清，手續不合，即遭挑剔駁斥，甚可畏也。黃君仲禹前爲會計師，並在財廳主任會計有年，新式簿記學有專長，爲人心細如髮，勤慎耐勞，財帛分明，絕無苟且，弟因知之最深，

吾

兄又實有引用此種人才之必要，用敢逕函奉介，幸熟權之，無任翹盼。專此卽頌

八九。

弟尹畏三謹啓 四月廿七日

◎薦醫師

仲篋吾兄大鑒前月曾上一書，久不獲復，方深疑慮。日昨勝之兄過此，始知

太夫人臥病多時，誤於庸醫，幾經危險。吾

兄憂勞致疾，寢食俱廢。聞訊之餘，曷勝懸念。父母有疾，惴惴不安，此人之情也。然徒悚懼張皇，非徒無益，或且有害。要在勤於服侍，慎進湯藥而已。茲有名醫葉曉春先生夙研醫學，治病如神，人皆稱爲天士。而不名，去秋家母患病，更數醫不效，及葉醫由湘來診，一藥而愈，三劑則已霍然。因信人言不謬，古人以率爾薦醫爲至唐突之事，惟念

老伯母與家母年既相若，體氣亦頗相似，又聞吾兄憂念太甚，故不得不舉所知以薦，惟乞

俯賜審裁爲幸。專頌

侍安。

弟袁不烈謹啓 九月十一日

○葉天士吳縣人，清代名醫。

◎薦看護

信之吾兄大鑒春間入都，渥承
款接，極詩酒留連之歡，

舊雨深情，感納曷極。頃小兒暑假來歸，據云

貴體入夏違和，時感不適，事務叢脞，尙宜少節勤勞，而調護一層，亦宜特別注意，在
尊府固不乏添香捧硯之人，但非醫術精通，殊未足以盡問暖嘘寒之能事，有羅
女士者，中學畢業，即在福德醫院學醫，並充看護，其人貌頗文秀，性亦溫和，使司看
護，則普通微恙，可免就醫之煩，而人亦幽娴雅善弄琴，一曲清歌，餘韻繞梁，使人聞

兄採納，卽當令其前來請謁，何如？專此祇請
痊安。

弟田憲章拜啓 七月廿五日

四 媒妁類

◎爲同學作伐

蔚蒼學兄如晤：年前雅集
名園，暢談風月，樂不可言，承

屬物色佳耦一層，猝難得當以報，耿耿於懷。上月參加華中運動會，經友人介紹，得
識林秋蘋女士，運動成績絕佳。但外雖強健，內實溫淑，聞於詩歌尤所擅長，爲當
代大家陳散原弟子，

尊府亭館池臺，備極幽勝，得此良侶，則攜手聯吟於風軒月榭之中，弟望之恍若天

上人矣，不亦快哉？頗聞女士之父與
尊公有文字之契，吾

兄何妨以詩爲贊，一見長者乎？循是以求，事諧必矣。專此奉聞，即候
吟安，並盼
復音。

弟駱嘯谷敬啓 三月廿五日

附復書

嘯谷我兄同學惠鑒：去年歡聚，長繫夢魂，頃展

手書，快如促膝，承

示代弟物色配偶一節，殊感

盛情，但前聞家父云：湘濤年伯有一女，年齡與弟相若，家庭讀書，未受學校教育，毫無習氣，品性亦高，

借重

鼎言，因二老平日談及，深贊

兄爲篤信君子也，如蒙

枉過一敍，尤所感盼。專復，祇頌

文安。

◎爲同學作伐

弟奚蔚蒼拜上三月五日

步青吾妹如握津門判袂，忽已經年，兒女牽纏，苦無暇晷，連奉手書，未遑作答，余之罪也。吾

妹匹配問題，懸格太高，落落難合，

妹亦知曲彌高則和彌寡乎？似宜稍從平易下手，以免愛我者因而懷疑，短我者動

加訕誚也。狄君芸生與姊有葭莩之誼，平常會晤頗希，此次來游都門，下榻敝寓，曾作數度之敍談，覺其人品行純潔，性情和平，與外子贈答詩詞，功力亦相伯仲，就品貌論，似尙較勝一籌，所不合我

妹條件者，未經大學畢業與有兄弟姊妹之煩擾而已，鄙意卽此兩點儘可通融，如再事蹉跎，青春幾何，此後恐更難滿意，倘邀允許，媒介之事，卽由吾夫婦二人擔任之，未識

妹意如何？毋長此自誤也。專頌

春安。

懇姊耐寒手啓三月七日

◎爲友人作伐

文瑞吾兄如握前詣

拿守，適

堂上屬爲物色嘉耦以便早遂含飴之願此要圖也允宜注意茲有陸新梅女士者畢業於上海國本女學以國文冠其曹尤擅長音律貌既秀美性亦溫柔其尊人擇婿甚苛故花信年華○尙未得相當配偶鄙意

兄如得此洵稱璧合珠聯極人間風流之韻事矣

兄試加以調查如認鄙言爲不謬卽作進一步之辦法或交換相片或謀作面譚斷不似舊習慣僅憑媒人一面之詞強爲撮合也至希審察爲幸專此卽頒

侍安

弟任迪康敬啓四月二日

○花信年華「二十四番花信風」見書肆說鈴
花信年華卽謂二十四歲也

◎爲友女介婚

佐廷吾兄大鑒前月赴滬舟出金陵不期相遇道左遂得趨造

寓廬，歡談竟日，並得見

嫂夫人暨羣公子，屈指此別，殆已十年，真所謂昔別君未昏兒女忽成行也。惟吾兄名士風流，依然未改，家事不理，究非所宜，至兒女婚嫁，雖現今風尚，不妨聽任自由，但我輩爲父母者，究不能不加以指導，稍作主張，

大令媛婷婷玉貌，年已及笄，[○]秀外慧中，超軼儕輩，似宜速爲選一東床坦腹[○]之人，前生天麟，高中畢業，勤學好問，成績優良，適與

令媛同庚，聞其在校人咸呼以潘郎[○]而不名，其貌可想，若得合成配偶，自屬一對璧人，竊爲吾

兄預賀焉，至雙方如何會面？如何接談？仍請酌示。此頤

吟安。

弟南士上言 四月十八日

○及笄

笄謂女子年及十五歲也，古者十五而笄，二十而嫁，及

○東床坦腹

「晉郗鑒遺門生求婿於王氏，

狀曰，真吾壻也，一見晉書。○潘郎道，婦人皆連手繫纏，投之以果。

◎爲師介紹續絃

春軒吾師道席前奉

賜書，並悼亡詩二十首，至情至文，不忍卒讀，吾

師天性之厚，冠絕今古矣，然憂能傷人，況近中年，尤覺易多哀樂，

師母作古，已逾三年，亦宜少節哀思也。前家母作客鄭府，與

太老師母深談竟夕，殊以吾

師無人護惜，有傷老懷，囑爲物色淑媛，藉資絃續，有許女士者，德性溫和，文學優

美，高自期許，頗持獨身主義，但傾服吾

師之文章道德，不惜委曲相從，若蒙

允許，必如廉氏之與吳芝瑛，章氏之與湯國璿，足以後先輝映矣，吾

師爲高堂承懼計，爲兒女護惜計，知必不忍固拒也，因迫於家母催促，用敢不辭唐突，瑣瑣陳之，惟鑒諭不宣。專此敬頌
著安。

門生倪鴻達謹肅 三月廿六日

丙 懇託門

一 請求類

◎請調解析產糾紛

姑母大人尊鑒接 馨妹來函，知吾家以析產事諸多爭執，遂起糾紛，始爲妯娌。之爭，繼作兄弟之鬭， 納妹等且異軍突起，勢尤汹汹，舉室紛呶，幾至不可收拾，先公逝世，甫及兩年，九原有知，能無痛恨。惟念

姑母年高德劭，排難解紛，有女仲連^③之譽，況對於諸弟妹，同屬至親，無分厚薄，秉公處決，敢不服從，强悍者予以斥責，懦弱者代爲伸張，似無不能帖然平息之理。姪羈遲海外，思歸未得，如因財產不敷，姪當將應得之一份完全拋棄，聽憑大家分配，以補不足，總期早息紛爭，同歸於好，上以慰吾 父在天之靈，下以洗社會譏評之

辱，惟求

姑母篤念至親之誼，任勞任怨，速賜排解，翹首鄉關，不勝感禱之至。專此奉懇，敬叩

福安。

姪宗範謹上十月二十日

一 姐娌呼兄曰弟之妻。相

◎女仲連於能爲人排難解紛著之，故

附復書

雲姪青及接上月二十日來函，閱悉以家中析產爭執爲念。

賢姪宅心忠厚，持論光明，吾弟可謂有子矣，老懷甚慰。此次汝家分居，爭持甚烈，不得已，余乃扶病前往，力加排解，舌敝唇焦，武姪最爲桀驁，蕙女尤多狡猾，因與四伯商定一公平分配之法，有不服者聽其訴諸法律，幸皆俯首就範矣。吾

近佳

姑佩筠手書十一月廿八日

○惡然羞慚

◎請出任商會主席

申伯先生大鑒溯自

高隱梅塢，歡會遂稀，每聞人言，

先生種竹栽花，敲碁品茗，閒情雅興，儘足自娛，曷勝景仰。茲有懇者，本邑商會主席
自我

公引退後，三年之內，兩易其人，對內則棼如亂絲，[○]對外則諸多隔閡，[○]影響社會，
實非淺鮮，重以匪禍連年，水旱交迫，工商凋零，農村破產，危機四伏，在在堪虞，若不
亟圖挽救，後患何堪設想，夙仰

台端學既高明，才堪肆應，駕輕就熟，取精用宏，倘蒙
俯允出山，必能收安定人心繁榮市面之效，明知恬退
高風，只圖清閒，然桑梓所繫，衆望所歸，想亦不忍恝然置之也。專此佈陳，敬頌
大安，並希
賜復。

弟吳增湘拜啓二月五日

○夢如亂絲 喻事之茫無頭緒也。 ○隔閡 謂其不能與外連絡也。

附復書

岳峯先生台鑒頤奉

大函殷殷以出任商會事見委，公誼私情，能無級感。惟弟自辭職後，卽離塵市，結茆於蓮花峯下，闢園藝
果，鑿池養魚，短衣草鞋，躬自操作，農夫野老，互爲唱和，菜根自香，怡然忘老，蓋已無意於繁喧隊裏矣。社會

尙希

公等另行物色，任此艱鉅，幸甚幸甚，有違台命，還乞

曲宥，尤所跂禱。專此奉覆，順頌

公綏。

弟劉大紳謹啟二月十七日

○結茆謂結草爲屋也。

○猗頓春秋時魯人，以鹽起家，富比王侯。

○蘇秦戰國時人，曾佩六國相印，爲古之雄辯家。

◎請出任慈善救濟會會長

筱周先生道席歲不我與，違

教忽已數年，聞

公解脫簪纓，○優游林壑，惟以詩酒自遣，花鳥爲樂，

逸致高風，欽慕何極。茲有懇者，年來內訌外侮，紛起迭乘，天災人禍，交煎並迫，我輩坐觀不忍，拯救未能，爰公同籌商，創立一會，本慈善之夙願，行救濟之義舉，若無年尊德高之人出而主持，誠恐推行不易，收效亦微，因思我

公勛在黨國，望重羣倫，倘蒙

屈就會長，領導同人，督促進行，則

太華②高呼，萬山響應，舉世呻吟疾苦與夫嗷嗷待哺③之人俱將有所託命矣，想先生素宏飢溺之懷，④尤明憂樂之旨，⑤決不至漠然坐視，優游自樂也。專此奉懇，敬頌

善祉，並希

示復。

弟鄒佐堯謹上七月三日

○簪纓 貴顯者之冠飾，喻仕宦也，

○太華山名，亦曰華山，在陝西

○嗷嗷待哺 啷 啷，衆

○憂樂之旨 先

○請撥田租爲育嬰基金

◎請撥田租爲育嬰基金

一民先生惠鑒不通音訊，倏忽三年，頃有人自山中來，盛道

先生深居簡出，琴書自娛，並茹素諷經，脫離塵俗，甚佩甚羨。比年以來，天災人禍，苦我鄉閭，去歲旱災，尤爲慘重，頗聞乳婦斷炊，嬰兒餓死，全家慟惜，爭欲自戕，慘目傷心，有如是耶？吾鄉貧瘠，公款絕少，而尤以無育嬰堂爲最大缺憾，因念

尊府廣置田莊，且多別墅，[○]

先生襟懷恢廓，不屑屑於升斗之爭，[○]以致各莊倉廩，屢感空虛，何妨

撥田產若干，莊屋若干，爲粒濟嬰兒之用，在

尊府並不受若何影響，在地方實獲莫大利益，想仁者必樂而爲之也。專此奉瀆，佇候

好音，敬候

大安。

弟顧永綱上言十月八日

○別墅住宅外園林游憩之地也，亦稱別業。

○升斗之爭謂與佃人計較田租也。

○請重修先賢祠墓

慕潮廳長執事巖栖穴處，與世相忘，蓋不欲聞問時事久矣，

執事歸官故鄉，不張衣錦之榮，益深梓桑之敬，極所忻佩。頃聞

執事尊崇先賢，闡揚文教，端後進之趨向，矯浮囂之習俗，甚盛事也。查有

先賢瞿

公祠墓，距小園五里而強③。屋宇傾頽，牛羊踐踏，每經其地，悲感橫生，曾與

仲達

諸老籌商修復，僉以瞿公爲一代大儒，品節端明，學說淳正，紹先聖之遺緒，作後

學之楷模，此等祠墓若聽其長此荒蕪，馴致傾廢，殊不足以尊先哲，下詔來茲，因

清聽，除另備正式呈文外，特附短簡，敬希

裁察，順頌

勛安，佇候

明教。

弟左希明敬啓 五月十五日

○衣錦衣錦榮歸，謂富貴而歸故鄉也。 ○梓桑詩經「惟桑與梓，必恭敬止。」言服官鄉土，益當謙敬也。 ○五里而強強，過也，謂五里多也。

◎請將義烈事蹟宣付黨史立傳

仲義先生纂席前歲漫游南北，小駐京華，得以飫聞
譏論，並讀

雄文，歲月如流，屈指裘葛忽已數更矣。去秋聞

先生主編黨史，闡先民之潛德，發烈士之幽光，龍門史法，允垂千秋，甚盛甚盛。比

年以來，匪禍猖獗，閭里騷然，吾黨俊豪羣起奮鬥者固多，鄉曲義勇之徒以不屈而身殉者亦復不少，如辛漢強等組織義勇隊，卒爲匪乘，乃以身殉，黃亞民等統率勦匪團與決死戰，亦以衆寡懸殊，血濺原野，或則嚴詞痛斥，罵賊以全貞，或則護黨保鄉，毀家以殞命，凡此之類，若不宣付立傳，予以褒揚，實不足以表章義烈，昭示後人，爰將此間殉黨死難較有價值之先烈姓氏列爲一表，各敍事實，敬塵

省覽，倘荷

宣付史館，分別立傳，以資激勸而垂久遠，實不勝翹跂待

命之至。專此馳懇，敬請

撰安。

弟魯秉鈞謹啓十二月十日

○龍門史法，司馬遷龍門人，撰史記。
筆法謹嚴，故云。

台從宣勞黨國，弟寄跡漁樵，雲泥頓隔，箋疏遂稀，非故懶也。茲有瀆者，舒生太玄係
十年前弟子，人極倜儻，尤擅文章，下筆千言，倚馬可待，[○]惟性剛口辯，好面折人，以
此結怨日衆，朱生案發，遂被株連。[○]在誣陷者無非圖報復之私，在聽訟者幾認爲
鐵鑄之獄，愛莫能助，不無耿耿，惟思

先生夙以弟爲誠樸之交，又抱愛才之雅，倘邀

電陳當道，力白冤誣，則撥雲霧而見青天，恩同再造矣。

先生德高望重，深爲當道所倚畀，

一言九鼎，沈冤立雪，至於舒生行爲，絕不含其他黨派作用，^弟可完全負責，并此附

陳，幸紓

錦注，伏候

還雲，無任感禱。專肅奉懇，祇頌